



COMUNE DE ROMANA

DELIBERATZIONE DE SA GIUNTA COMUNALE N. 56 DE SU 25/08/2022

OGETU: INTERBENTOS PRO S'AFORTIADURA DE SOS TZENTROS DE ISTIU D.L. 73 /2022 ART. 39
INDIRITZOS A SU RESPONSÀBILE

S'annu duamìgia e bintiduos sa die bintichimbe de su mese de Austu a sas 09:50, in sa SALA GIUNTA, acumpridas totu sas formalidades prevididas dae sa Lege de s'Istadu e dae s'Istatutu, s'est reunida sa Giunta Comunale suta de sa presidèntzia de su Presidente Sìndigu DUT.RA CATTE LUCIA.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	DUT.RA CATTE LUCIA	EMMO
VITZESÌNDIGU	PISANU DARIO	--
ASSESSORE	MELONI PIETRO	EMMO
ASSESSORE	SOLE VALERIA	EMMO

Presentes n° 3 Ausentes n° 1

Partètzipat su Segretàriu Generale DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su Sìndigu DUT.RA CATTE LUCIA, in sa calidade sua de Presidente, leat sa presidèntzia e de crarat aberta sa setziada pro trattare s'ogetu torradu a giùghere in subra.

SA GIUNTA COMUNALE

Premìtidu chi s'Amministrazione Comunale cheret sustènnere s'organizazione de sas atividades de s'istiu pro sos minores, cun atenzione particolare a su benèssere sòtziu-educativu de sos matessi, bidu chi su perìodu longu de s'emergèntzia sanitària determinada dae sa pandemia de Covid 19 sessada solu in sos meses colados, at impostu òbligos e restritziones chi ant limitadu meda sas atividades de sotzializazione e de giogu pro sos prus minores;

Bidu su Decretu Lege n. 73/2022 chi tratat "*Mesuras urgentes de Semplificatziones fiscales e de relàsciu de su nulla osta de traballu*", publicadu in sa "gazzetta ufficiale" de su 21 de làmpadas de su 2022, chi previdit a s'art. 39 su fundu che pare a 58 millones de èuros pro s'organizazione dae parte de sos Comunes de sos tzentros estivos de acumprire in su perìodu 1 de làmpadas - 31 de nadale de su 2022, puru in collaboratzione cun entes pùblicos e privados;

Consideradu chi non si podet fàghere a mancu de providire oportunitades a favore de sas famìllias residentes in su territòriu de su Comune de Romana pro s'isvilupu e su benèssere sòtziu - educativu de sos minores, garantende, bida sa partetzipatzione registrada, su perlongamentu de s'atividade de su Tzentru estivu Minores de su 2022 (giai aprovadu cun Deliberatzione de Giunta Comunale n. 42 de su 19.05.2022) pro su perìodu dae su 25 de austu a su 02 de cabudanni de su 2022;

Dadu atu chi:

- sos Comunes divent finantziare, cunforma a s'art. 39 de su decretu lege 73/2022 giai mentovadu, puru in collaboratzione cun Entes pùblicos e privados, s'afortiadura de sos Tzentros estivos, de sos servìtzios sòtziu educativos territoriales e de sos tzentros cun funtzione educativa e de recreu destinada a sas atividades indiritzadas a sos minores;
- su finanziamentu at a inclùere totu sos Comunes, a fora de cussos chi, intro de trinta dies dae s'intrada in vigèntzia de su decretu lege apant decraradu a sa Presidèntzia de su Consighiu de sos Ministros - Dipartimentu pro sas políticas de sa famìllia de non chèrrere aderire a s'iniziativa;

Rilevadu chi su Comune de Romana faghet parte de s'elencu provisòriu de sos comunes beneficiarios de sas resursas de su Fundu pro € 393,57 comente cuota chi li tocat pro s'annu 2022;

Consideradu chi sa tzifra destinada a su Comune de Romana resurtat insufitziente a ammontare su dinari chi bi cheret pro s'afortiadura de su Tzentru estivu dae su 25 de austu a su 2 de cabudanni cuantificadu in € 1945,90;

Achisidos sos parres a favore prevididos dae s' Art. 49 D. Lgs 267/2000 e mm.ii.ii;

cun votatzione a favore e totu de acordu de sos presentes,

GIUNTA COMUNALE Atu N.ru 56 de su 25/08/2022

DELÌBERAT

DE LEARE ATU de totu cussu espressadu in sa narrativa, chi format parte integrante de custu provedimentu;

DE DESTINARE sas resursas finantziàrias destinadas a su Comune de Romana che pare a € 393,57 de su cale D. L.73/2022 art. 39 pro su perlongamentu de sas atividades de su Tzentru estivu pro minores de su 2022, giai inghitzadas cun fondos comunales prevìdidu cun Deliberatzione de Giunta Comunale n. 42 de su 19.05.2022, dae su 25 de austu a su 2 de cabudanni de su 2022;

DE DARE ATU chi su dinari netzessàriu pro s'afortiadura de su tzentru estivu est cuantificadu in € 1.945,90 e at a agatare cobertura cun sos istantziamentos de bilàntziu de sos cales a su capìtolu 10449.03 codìfica bilàntziu 1.03.01.02.999 de su bilàntziu de previsione 2022/2024;

DE DARE ATU chi sa misura de sa cale semus tratende est finantziada cun s'ìmpitu de sos fondos de sos cales a s'art. 39 de su D.L 73/2022 art. 39;

DE DARE MANDADU a su Responsàbile de su Servìtziu Sòtziu – educativu, de ammaniare totu sos atos chi nde consighint.

Cun àtera votazione de sos presentes a favore totu de acordu,

DELÌBERAT, PURU,

De decrarare custu provedimentu luego esecutàbile cunforma a s'art. 134, 4° comma de su D.Lgs. 267/2000 e mm.ii.ii, reconnota s'urgèntzia de pònnere in èssere sos atos chi consighint.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **DUT.RA CONTINI ANTONELLA** in data **25/08/2022** at espressadu parre a **FAVORE**

PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **DUT.RA CONTINI ANTONELLA** in data **25/08/2022** at espressadu parre a **FAVORE**

Su Presidente

Sìndigu **DUT.RA CATTE LUCIA**

Su Segretàriu Generale

DR. CARTA GIANCARLO

NOTA DE PUBLICATZIONE N. 421

Cunforma a s'art. 124 de su T.U. 267/2000 su Responsàbile de sa Publicatzione **DUT. CARTA GIANCARLO** atestat chi in data 25/08/2022 s'est protzèdidu a sa publicatzione a s'Albu Pretòriu.

Sa Delibera est esecutiva cunforma a sas dispositziones de lege in vigèntzia

Còpia digitale de documentu informàticu produidu cunforma a su D.Lgs 82/2005 e normas respetivas collegadas